



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

28.01.2025

83-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 1-kurs talabasi Xurramov Jaxongir Jamshedovich 2025-yil 22-yanvar kuni "Professional ko'nikmalar" fanidan dars mashg'ulotlari tugagandan keyin Universitet 4-binosi hududida elektron sigaret mahsulotini iste'mol qilgan hamda Xususiy huquq fakulteti dekanatiga chaqirilganda dekanat xodimlarini Toshkent davlat iqtisodiyot universitetida o'qishi, Pardaboyev Ramziddin Isomiddin o'g'lining ukasi ekanligini aytib, yolg'on ma'lumot bergan.

Pardaboyev Ramziddin Isomiddin o'g'li esa bu yolg'onni tasdiqlab, Jaxongir ukasi ekanligi, Toshkent davlat iqtisodiyot universitetida o'qishi, kalitni bergani kelganini aytib, dekanat xodimlarini aldagan.

Aslida Pardaboyev Ramziddin Isomiddin o'g'li va Xurramov Jaxongir Jamshedovichning bir biri bilan hech qanday qarindoshlik aloqalari mavjud emasligi aniqlangan.

Shuningdek, Karshanov Sardor Oybek o'g'li 2025-yil 22-yanvar kuni dars mashg'ulotlari paytida Universitet 4-binosi oldida tamaki mahsuloti iste'mol qilgan.

Universitetning Xalqaro huquq va qiyosiy huquqshunoslik fakulteti 1-kurs talabalari Xurramov Jaxongir Jamshedovich va Pardaboyev Ramziddin Isomiddin o'g'li mazkur harakatlari bilan Odob-axloq kodeksi 17-moddasining 12-xatboshisi (talabalar tomonidan soxta ma'lumot va hujjatlarni taqdim etish), Xurramov

Jaxongir Jamshedovich va Karshanov Sardor Oybek o'g'li mazkur harakatlari bilan TDYU Odob-axloq kodeksi 17-moddasining 3-xatboshisi (tamaki mahsulotlari, vayp, chilim, elektron sigaretlar va sarxush qiluvchi boshqa vosita hamda moddalarni iste'mol qilish va tarqatish) talablarini buzgan.

Toshkent davlat yuridik universiteti Odob-axloq kodeksining 17-moddasining 3 va 12-xatboshisiga asosan hamda universitetning Ichki tartib qoidalariga 83-bandiga asosan

### **BUYURAMAN:**

1.Universitet Odob-axloq kodeksi 17-moddasining 3 va 12-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 1-kurs talabasi Xurramov Jaxongir Jamshedovichga hayfsan e'lon qilinsin.

2.Universitet Odob-axloq kodeksi 17-moddasining 12-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 1-kurs talabasi Pardaboyev Ramziddin Isomiddin o'g'liga hayfsan e'lon qilinsin.

3.Universitet Odob-axloq kodeksi 17-moddasining 3-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 1-kurs talabasi Karshanov Sardor Oybek o'g'liga hayfsan e'lon qilinsin.

4.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyati talabalar e'tiboriga yetkazilishi ta'minlasin.

5.Xalqaro huquq va qiyosiy huquqshunoslik fakulteti dekani (D.Umarxanovaga):

mazkur talabalarning shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin.

6.Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

